

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-05-1492/17- 4
Datum: 22. 09. 2017. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-1492/17-3 od 21. 09. 2017. godine u postupku javne nabavke roba „Nabavka i prevoz kamena za nasipanje makadamskih cesta na području općine Banovići“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke roba broj: 01-05-1492/17- 3 od 21. 09. 2017. godine i Ugovor za javnu nabavku roba „Nabavka i prevoz kamena za nasipanje makadamskih cesta na području općine Banovići“ dodjeljuje ponuđaču „SM TRANSKOP“ d.o.o Banovići, sa sjedištem u ulici Alije Izetbegovića, lamela B Banovići, Ponuda broj 02-09/2017-P od za ponuđenu cijenu od 20.800,00 KM bez PDV-a, kao najbolje ocijenjenom ponuđaču

Član 2.

Prijedlog Ugovora o nabavci roba dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku do 10 dana računajući od dana kada je ponuđač obavješten o rezultatu postupka.

Ponuđač je dužan dostaviti dokumente iz stava 1. ovog člana u roku određenom Tenderskom dokumentacijom.

Član 3

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o ž e n j e

Odlukom o pokretanju postupka javne nabavke roba broj: 01-05-1492/17 od 05. 09. 2017. godine donesenom od strane ovog organa pokrenut je postupak javne nabavke roba „Nabavka i prevoz kamena za nasipanje makadamskih cesta na području općine Banovići“.

Predmetna javna nabavka predviđena je Izmjenama i dopunama plana javnih nabavki općine Banovići za 2017. godinu, broj 01-05-1339/17 od 08. 08. 2017. godine evidencijski broj: 5d.

Javna nabavka usluga sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 21.000,00 KM.

Obavještenje o nabavci broj 1220-7-1-122-3-54/17, objavljeno je na Portalu javnih nabavki dana 05. 09. 2017. godine.

Poziv za preuzimanje Tenderske dokumentacije u sistemu e-nabavki (istovremeno sa slanjem obavijesti na Portal javnih nabavki i objavom TD na portalu JN) upućen je slijedećim privrednim subjektima):

1. „POZDER“ d.o.o. Banovići, sa sjedištem u Banovićima Mackovac- Brana bb.
2. „SM TRANSKOP“ d.o.o. Banovići, sa sjedištem u ulici Alije Izetbegovića, lamela B Banovići,
3. „PLANTRANS-DIJABAZ“ d.o.o. Banovići sa sjedištem u Banovićima, ulica Božička Banovića broj 8.

Komisija za javne nabavke imenovana rješenjem broj: 01-05-805/17 od 27. 04. 2017. godine, ovom organu dostavila je dana 21. 09. 2017. godine Zapisnik o pregledu i ocjeni ponuda broj: 01-05-1492/17-2 od 13. 03. 2017. godine i Preporuku o izboru najpovoljnijeg ponuđača broj: 01-05-1492/17-3 od 21. 09. 2017. godine u postupku javne nabavke nabavke roba „Nabavka i prevoz kamena za nasipanje makadamskih cesta na području općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 1 (jedna) i to ponuda ponuđača:

1. „SM TRANSKOP“ d.o.o Banovići, sa sjedištem u ulici Alije Izetbegovića, lamela B Banovići
(datum predaje ponude 19. 09. 2017. godine; vrijeme predaje ponude 10: 43 h)

- da je ponuda blagovremena,

-da je tenderska dokumentacija preuzeta su na propisan način,

- da je ponuda ocijenjena prihvatljivom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena je primjena e-aukcije, a obzirom da je prispjela samo jedna prihvatljiva ponuda, to se u skladu sa članom 3. stav 4. Pravilnika o načinu i uslovima korištenja e-aukcije (Službeni glasnik BiH 66/16) e-aukcija nije mogla zakazati, nego će se postupak nastaviti i okončati u skladu sa članom 69. Zakona o javnim nabavkama, a to je u konkretnom slučaju donošenjem ove Oduke i dodjele ugovora izabranom Ponuđaču.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, a u vezi sa članom 3. stav 4. Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

1x Svim ponuđačima

koji su učestvovali u postupku JN

1x U spis

1x a/a

**OPĆINSKI NAČELNIK**
Midhat Husić